



Zur Publikation im Amtsblatt Mittelbünden (Pagina und Novitats) vom
Donnerstag, 2. November 2017, bzw. Freitag, 3. November 2017

Publicaziun uffiziala digl cumegn Albula/Alvra

ALBULA/ALVRA

www.albula-alvra.ch

Infurmaziuns dalla suprastanza communal da digl cumegn Albula/Alvra:

Fanadour / avost / settember 2017

- La suprastanza ò examino e lubia diversas dumondas da biagier.
- Las maseiras d'anfignen adacò davart la traversada digl Ual digl Guert sen la veia ota da viandar dall'Alp da Tagn – Alp da Farrera – Aclas d'Alvagni – Ruoinas – Propissi – Lantsch èn betg sa verifitgeidas. La suprastanza ò decidia da garanteir ena traversada sieira e da lunga vista digl Ual digl Guert antras la construcziun d'ena punt pendent. An chel connex è nia delibero en credit brut an import da CHF 170'000.00.
- Per la sanaziun dalla staziun da transfurmatour a Casti vischnanca, è nia delibero en credit brut an import da CHF 265'000.00 per mangs dalla radunanza communal.
- An connex cun la sanaziun planisada antras igl Uffezi cantunal da construcziun ve dalla Veia da Gelgia, segl sectour dalla veia Arniev – Spartaveias Veia digl Schin, ò la suprastanza approvo per mangs dalla radunanza communal en credit brut da CHF 275'000.00 per igl mantignamaint dallas atgnas lengias d'ovra.
- Per la realisaziun d'en preproject pertutgont la renovaziun digl provedimaint d'ava ad Alvaschagn, ègl nia delibero en credit da CHF 20'000.00. Cun las lavours da projectaziun è nia incumbenso igl biro da Planisaziun Sonder, Salouf.
- Igl cumegn uriund da Brienz/Brinzauls ò laschea elaborar en project per la furniziun urgenta dad ava e current electric a Vasarauls. Per repassar igl project dalla furniziun urgenta digl current electric a Vasarauls è nia concedia en credit an import da CHF 31'500.00.
- La suprastanza ò discuto minuztgousamaintg la lescha davart igl urden da sepultura e delibero tal per mangs dalla radunanza communal. Mademamaintg èn nias approvos igl reglamaint davart digl urden da sepultura e l'agiunta agl reglamaint.
- La suprastanza ò fixo e delibero las tractandas per la radunanza communal digls 15 da settember 2017.

- La suprastanza communalà è surdo las lavours da construcziun e da sanitar an connex cun la sanaziun dallas lengias d'ovra (Veia da Gelgia).
- Agl rom d'ena unificaziun dalla practica an connex cun igls costs per igls tractamaints da daints ed ortopedia dallas ganaschas, è la suprastanza decida igl suandont:
 - igls costs dalla consulta fundamentala vignan paeas 100% digl cumegn;
 - igl cumegn surpeglia nigns costs per ulteriours tractamaints e correcturas da daints.
- La suprastanza è approvo igl concept da First Responder e la finanziaziun persiva. La First Responder Albula è integrada aint igls Pumpiers Albula.
- La suprastanza è decida davart la furniziun da products ecologics da plevaleta dalla IPE/EVU, l'indemnisaziun per prestaziuns d'utilitad publica e l'agiunta pertutgont igl dretg sen energiea gratuita e da preferientscha.
- Igl rendachint annual dalla ARA Albula è nia examinò ed approvo.
- La suprastanza è piglia cunaschientscha digl referendum cunter la lescha davart igl provedimaint d'ava digls 12 da fanadour 2017 e fixo igl datum per la votaziun all'urna.
- Per la realisaziun d'en concept per l'illuminaziun dallas veias, è la suprastanza concedia en credit brut an import da CHF 500'000.00 per mangs dalla radunanza communalà.
- La suprastanza è delibero en credit da CHF 5'000.00 per mantigneir igl taxi da 5.00 fr. durant igls meis da stad.
- Per igl mantignamaint dalla veia d'access a Mistail, è la suprastanza approvo en credit da CHF 45'000.00.
- An connex cun la sanaziun dalla staziun da transfurmaziun a Casti vischnanca, è la suprastanza surdo la furniziun e la montascha digl implant.
- La suprastanza è fixo e delibero las tractandas per la radunanza communalas digls 6 da november 2017.
- Igl messadi per igl cumegn d'urna digls 12 da november 2017 è nia approvo e delibero.
- Per l'installaziun d'en'illuminaziun da Nadal, an connex cun igl concept nov per l'illuminaziun dallas veias, è nia delibero en credit da CHF 84'000.00 per mangs dalla radunanza communalà.

Für die Installation der Weihnachtsbeleuchtung, im Zusammenhang mit dem neuen Strassenbeleuchtungskonzept, wurde ein Kredit von CHF 84'000.00 zuhanden der Gemeindeversammlung verabschiedet.

Infurmaziuns dallas radunanzas communalas digls 12 da fanadour 2017 e digls 15 da settember 2017:

- Igls votants on approvo schibagn igl rendachint annual 2016 scu er igl rapport digls revisours dalla cumischung da gestiun.
- La lescha davart igl provedimaint d'ava digl cumegn Albula/Alvra è nia approvo digls votants cun 65 vuschs EA, cunter 5 vuschs NA, e 10 abstenziuns.
- Per igl preproject 1: Program da consultaziun dalla sbuvada a Brienz/Brinzauls, è nia concedia unanimamaintg en credit brut an import da CHF 2'939'000.00.
- Igls votants on approvo en credit brut an import da CHF 1'180'000.00 per renovar igl sistem da direcziun dalla ARA a Casti.
- La lescha davart igl urden da sepultura e santieri digl cumegn Albula/Alvra è nia approvo unanimamaintg.
- Per la sanaziun dallas lengias d'ovra ve dalla Veia da Gelgia, sectour Arniev – Spartaveias dalla Veia digl Schin, è nia concedia (cun gronda pluralitad) en import brut da CHF 275'000.00.
- Igls votants on concedia en credit an import da CHF 265'000.00 (unanim) per la midada/amplificaziun dalla staziun da transfurmaziun a Casti vischnanca.

La suprastanza